

22894/P
DISSERTATIO INAUGURALIS MEDICA

(3)

DE

VERMIBVS MEDICATIS

QVAM

ILLVSTRIS MEDICORVM ORDINIS
CONSENSV ET AVCTORITATE

IN

ACADEMIA GEORGIA AVGVSTA

PRO

OBTINENDIS SVMMIS

IN

MEDICINA AC CHIRVURGIA HONORIBVS

D. XII. DECEMBR. ANNI MDCCLXXXVI.

EXHIBET ET PVBLICE DEFENDET

JOANNES JVSTVS GVILIELMVS FORCKE,
SPRINGA-HANNOVERANVS.


GOETTINGAE,

TYPIS HENN. MART. GRAPE, ACAD. TYPOGR.

304540



12/2



PROOEMIUM.

Quicumque veterum de multis medicaminibus eorum aevo in officinas
receptis commenta attentiori paulo animo perlustrat, is profecto non
mirari satis poterit eorum in determinanda corporum salutari efficacia
confidentiam, & palpare quasi manibus, quantum subsidiariis scientiis,
chemiae praesertim & historiae naturali, debeat, qualis hodie excolitur
atque excercetur medicina: Quot inefficacie corpora pharmacopoliis olim
obtrusa, quot aegrotis, non prohibita sic, uti quidem debebat, morbi vio-
lencia saepius peremptis, ingesta! Quot & his & aliis reapse non iner-
tibus

libus attributae virtutes, a quibus plane aliena sunt, quot ridiculae! Quoties, dum fictitias has virtutes, inertia haec medicamina sesquipedalibus laudibus cumulabant, veras virtutes, efficaces medicinas, quamvis ipsis proximae, aut ignorarunt, aut neglexerunt certe Veteres! Exemplo sit contenta multis vermium classis, cujus historiam medicam peragraré mecum constitui: Quantum luminis naturalis ejus historia recentiorum PALLASII a) O. FR. MULLERI b) GOEZII c) BLOCHII d) WERNERI e) aliorumque, qui non novis modo speciebus, sed generibus adeo atque ordinibus auxerunt, industriae ac laboribus acceptum referat, inter omnes constat.

- a) v. praesertim ejus dissert. de infestis viventibus intra viventia, Lugd. Batav. 1760. & elenchus Zoophytorum. Hagae Comt. 1766. 8.
- b) Historia vermium terrestrium & fluviatilium, Hafniae & Lipsiae. 4. V. I. II. 1774.
- c) Versuch einer Geschichte der Eingeweidewürmer thierischer Körper, Blankenb. 1782. 4.
- d) Von der Erzeugung der Eingeweidewürmer und den Mitteln wider dieselben. Berlin 1782. 4.
- e) Vermium intestinalium praesertim Taeniae humanae brevis expositio. Lipsiae, 1782. 8.

§. I.

Quum de vermibus loquor, in usum medicum adhibitis, veros volo ab immortali LINNAEO hoc nomine insignitos, neque huc refero, quod & communi loquendi usu non raro contingit, & auctoribus aliquando adeo recentioribus, aut infecta alis carentia, aut larvas aliorum. Discedunt ab his, quod loco antennarum tentaculis sint instructi, quod plerique certe, pedibus careant, & nullam, notabilem saltem, per omnem vitam subeant metamorphosin.

§. II.

Distribuit LINNAEUS vermium classem in quinque ordines, qui singuli unum vel alterum continent animal, aut suo ipsius corpore, aut habitaculo suo in medicorum usum cedens: Sunt ex ordine vermium intestinorum, qui simplicissima sua fabrica & defectu tegminis facile distinguuntur a reliquis, Lumbricus terrestris et Hirudo medicinalis; ex ordine molluscorum, qui, quamvis nudi, brachiis tamen gaudent, Limax rufus & Sepia officinalis; ex ordine testaceorum, qui dura calcarea testa obteguntur, Mya pictorum & margaritifera, Donacis atque Veneris aliae atque aliae species, Ostrea edulis, Mytilus margaritiferus, Murex ramosus, Turbo cochlus, Helix pomatia, Dentalium elephantinum & entalis; ex ordine Lithophytorum, quae facie stirpis in ramos exeuntis gaudent, sed lapidis instar dura, Madrepora oculata; ex ordine denique Zoophytorum, quae simili facie gaudent & molliora sunt, Isis nobilis, Gorgonia antipathas, Alcyonium bursa, Spongia officinalis & Corallina officinalis.

§. III.

Primo igitur considerandus venit Lumbricus terrestris, GALENI jam commendatione celebris & sequentium medicorum immeritis laudibus famosus, eo nomine ab immortali LINNAEO a) salutatus, corpore tereti ad latus poro pertuso, ephippio pone corporis mediam longitudinem elevato, & annulis distinctis, ex quibus illud corpus conflatur, & octo aculeorum vel potius setarum retrorsum directarum ordinibus conspicuus b). Habitat in terra, praesertim spongiosa, ex qua tempore pluvio aliquando prodit, ut plurimum dilute rubens, crassitiem calami scriptorii & longitudinem quinque digitorum nunc superans, nunc nondum affecutus.

§. IV.

Extus & intus adhibitum vermem istum in arthritide & doloribus colicis alii c), in ictero, hydrope, lienis morbis, paralyfi, apoplexia, convulsionibus, spasms, morfu canis rabidi, aurium affectibus, comedonibus, panaritio alii d), in arthritide praeprimis scor-

a) Systema naturae. Holm. 8. Edit. XIIma. T. I. P. II. 1767. p. 1076.

b) v. de his Illustr. Praecept. pie colend. MURRAY de vermibus in lepra obviis & de lumbricorum setis observationes. Goett. 1769. 8.

c) HERMANN Cynofura materiae medicae, brevibus annotationibus exornat. a I. S. HENNINGER diffusius explanata curante BOECLER. Argent. 1726. 4. P. 2. p. 53.

d) BOECLER ibidem p. 54.

5

scorbutica e) alii prodesse asseverarunt, illique virtutem diureticam, diaphoreticam f), discutientem, resolventem g), anodinam h) adeo tribuere haud dubitarunt; recentiores quoque nonnulli i) in catalogum remedium usualium receperunt; eum in finem aut vivus membris arthriticis applicatus, vel vivus cum vino vel aqua graminis infusus, vel cum aqua, aliis adhuc additis extus & intrinsecus adhibitus k), aut vino mundatus & suffocatus lentoque postea clibani calore exsiccat l); pararunt ex eo per destillationem siccam & spiritum empyreumaticum m) volatile dictum, & sal volatile, addita aqua aquam destillatam n), adfuso vini spiritu spiritum lumbricorum vinosum o), vel abstractitium, infundendo cum spiritu vini sale tartari acuto, essentiam antarthriticam, coquendo cum oleo oleum lumbricorum terrestrium p), lumbricos, vitro, postea obturando & massa panis

A 3

obvol-

- e) Pharmacop. Wirtembergica. Stuttgart. 1754. fol. P. I. p. 131.
- f) v. b. VOGELIUM histor. mater, medicae. Edit. nova. Francof. & Lips. 1760. 8. p. 346.
- g) BOECLER l. c.
- h) Pharmacop. Wirtembergica l. c.
- i) e. g. Clar. HAGEN Lehrbuch der Apothekerkunst, dritte Ausgabe. Koenigsb. und Leipz. 1786. 8. p. 87.
- k) HERMANN l. c.
- l) Pharmacop. Wirtemb. l. c.
- m) ibidem P. II. p. 177.
- n) SCHROEDER pharmacop. medico chemica oper. ROMMELII 4. 1685. Ulmae. p. 888.
- o) Pharmacop. Wirtemb. P. II. p. 177.
- p) Pharmac. Wirtemb. P. II. p. 116. nuper denuo a Cl. THEDEN in neuen Bemerkungen und Erfahrungen. Berl. und Stett. 1771. 8. p. 72, ad augendam balneorum stillatitiorum vim commendatum.

obvolvendo, immittendo, & cum reliquo pane clibani calori exponendo liquorem lumbricorum q).

§. V.

Verissime tamen multiplicem hanc efficaciam nauseosi vermis negarunt duumviri in damnandis inertiae veterum medicamentis certissime non nimis severi. Alter B. VOGELIUS r), qui ipsissimis his verbis: „Qui talem, inquit, virtutem de lumbrico praedicant, nunquam eum indubio experimento, quo solo illo dato, tales morbos superassent, comprobarunt., Alter B. SPIELMANNUS s), „laudent, ait ille, sine ratione, cum nulla exacta de his viribus observatio mihi innotuerit, non audeo usum multis commendare.,

§. VI.

Quicquid certe efficacis principii continet vermis, ad gelatinam redit, cujus ex libris duodecim vermis unam obtinuit b. SPIELMANNUS t), ut igitur, si de singulari vermis vi medicata tibi persuasum sit, succus e recenti verme expressus cum jusculis exhibitus, omnibus aliis ex eo paratis medicinis praecellat: ast gelatina illa indole & vi salutari eadem est, ac illa, quae minori cum nausea extrahi ex partibus

q) SCHROEDER l. c.

r) l. c.

s) Institutiones materiae medicae praelectionibus academicis accommodatae. Argentor. 1774. 8. p. 528.

t) l. m. c. p. 528.

partibus solidis majorum eorumque esculentorum animalium & potest, & solet; non majorem ergo, quam haec in obvolvenda acrimonia, lubricandis, relaxandis fibris, mucō nativo abrafo restituendo, non potentius nutrientem praestabit effectum, quamvis inficias non eam, in iis arthritidis, rheumatismi & aliis (§.4.) memoratis malis, in quibus hae indicationes medicae obversantur, indicata forma administratum aliquid praestitutam esse.

§. VII.

Quodsi gelatina principium efficax vermis sit, vix opus erit monitu, aquam aut vini spiritum destillatione a verme abstractum omni eo carere, quod singularem prae pura aqua aut spiritu imprimere iis efficaciam posset; & tametsi oleum potentius extrahat, extrahat ipse vini spiritus sale lixivo conditus, qui gelatinae indolem, parcamque in his remediis copiam novit, virtutes a veteribus iis tributas adscribere profecto dubitabit: Et quis quaeso, nostra aetate, persuasum sibi adhuc habebit, spiritum & sal destillatione empyreumatica ex lumbrico extortum proprii aliquid in se continere, quo a simili spiritu & sale ex aliis animalibus & animalium partibus obtento discrepat?

§. VIII.

Majorem atque indubitam, non quidem chemica partium suarum ratione, sed mechanica potius vi, ore scilicet, ferrae instar dentato, & partem, cui se infigit, vulnerante, exserit efficaciam hiru-
do,

do, & praesertim, quae a medicorum usu medicinalis LINNAEO u) audit, & in aquis dulcibus, frequentius quidem in stagnantibus, quam in fluentibus habitat, corpore oblongo depresso, nigricante subtus cinereo & nigris maculis insignito, lineis sex flavis per omnem dorso longitudinem excurrentibus, quarum intermediae nigris arcibus notantur, & singulari corporis motu, quo es & caudam in orbiculum dilatat, facile distinguenda.

§. IX.

Quamvis exempla prostant animalium & ipsorum hominum, qui non atrocissima modo ex deglutitis vermibus his symptomata perpassi, sed trucidati adeo fuerunt x); externo tamen usu a Graecorum inde medicorum temporibus perquam frequenter venerunt, ubi spissioribus justo humoribus infarcta atque obstructa vasa, salutaria ex ea causa sanguinis praecipue ex ano profluvia impedita y) & ex prohibito hoc fluxu mania & melancholia nata fuit, hinc in haemorrhoidibus coecis & turgentibus commendata eorum ad anum applicatio

u) l. c. p. 1079.

x) LANGIUS opera omn. cum praefat. RIVINI 1704. P. II. C. XIII. p. 70. not. sub litt. p.

y) HERBORT praefide METZGER de Hirudine. 4. Tubing. 1672. J. B. HARTMANN dissert. de Hirudine medicinali. Vindob. 1777. 8. III. KAEMPF Abhandlung von einer neuen Methode, die hartnäckigsten Krankheiten, die ihren Sitz im Unterleibe haben, besonders die Hypochondrie sicher und gründlich zu heilen. Dessau und Leipz. 1784. 8. p. 302.

tio z); laudarunt alii a) loco dolenti ipsi appositos in doloribus arthriticis, alii b) plantis pedum applicatos in tumoribus pedum oedematosis, alii c) in doloribus pedum a diuturna febre superstitibus, in erysipellate, in ipso cancro, alii d) temporibus, gingivis, genis, linguae inferiori parti adhaerentes in dentium, alii e) ad nares applicatos in sphacelismo cerebri, alii f) ad exteriorem oculi angulum positos in oculorum doloribus & ipsa chemosi g). Proposuit eorum
usum

z) LUDWIG institut. therapiae generalis. Lips. 8. edit. altera 1771.
§. 362. p. 150.

a) de HAEN rationis medendi P. XIV. Vienn. Austr. 1770. 8. p. 108.
GISLER Kongl. Svenska Vetenskaps Academ. Handl. Vol. XX.

b) GISLER l. m. c.

c) GISLER l. m. c.

d) LUDWIG & VOGELIUS.

e) J. B. BURSERIUS de KANILFELD institutionum medicinae practicae
Vol. III. Milan. 4. 1785.

f) Non in chronicis tantum, qui ex suppressis haemorrhoidibus, SCHULZE von den Krankheiten in Pohlen p. 64. aut menstribus proficiuntur JANIN observations sur l'oeil. a Lyon & Paris 1772. sed & in acutis siccis LANGE de ophthalmia commentat. Tyrnav. 1777. p. 68.

g) SCHMUCKER chirurgische Wahrnehmungen. Berlin und Stettin 1774.
P. I. p. 44 - 47. Ill. tamen RICHTERUS, Praeceptor semper colendus, hirudines in hoc affectu non commendat & saepe congestiones aliaque vehementissima symptomata post earum applicationem orta se vidisse, nobis in collegio de oculorum morbis narravit. Hanc opinionem quoque fovant celeb. BLOCH. v. medicinische Bemerkungen

usum ad revocanda lochia L. Desbois de Rochefort h) & ad auginam membranaceam tollendam Ill. de ROSENSTEIN i).

§. X.

Circumspectionem tamen in hoc ipso usu requiri k) per se patet; eligi debent vermes tenuiores ac longiores capite exiliore instrudi, iique aliquot dies, antequam adplicentur, in aqua pura asservandi, tum ut mudentur, tum ut magis esuriant vel potius sitiant; pars, cui adinovendi sunt, linteo aut spongia madida & tepida fovenda & fricanda, & si vermis adhaerescere detrectet, aut post aliquod tempus segniorem se gerat, lacte, vel recente cujusdam animalis sanguine illinenda; tunc demum duobus anterioribus digitis linteo comprehensus aut in arundine secundum longitudinem discissa collocatus adplicatur l).

§. XI.

Satiatus sanguine vermis ut plurimum sponte sua delabitur; sin id fiat, & nimia sanguinis jactura metuenda sit, sale aut cinere
adsper-

kungen. Berlin 1774. 8. p. 58. 59. & TAUBE v. diff. de oculorum inflammationibus. Goett. 1783. §. 14.

h) An suppressis prioribus lochiis hirudines. Paris 1778.

i) Underrättelse om Barns Sjukdomar. Holm. 1771. Ed. tert. germanic. cum auctariis Ill. Praecept. MURRAY, Ed. 5. Goett. 1785. 8. p. 672.

k) v. de hac Ill. GRUNER programm. de recta hirudinum applicatione. Jenae 1780. 4.

l) v. PLATNERI institutiones chirurgiae rationalis, Lipsiae 1745. 8. p. 667.

adspergi debet; quodsi autem pro fine medici nimis lente & debiliter operetur, abscinditur cauda, ut, quem ore attraxit, sanguis altero extremo statim effluit: Cavendum praeterea est, ne sensilibus corporis cavis vicinus in illa v. g. in os, fauces, anum irrepat; sin id factum fuerit, in illis larga potuum salforum copia trucidandus, ex ano clysteribus salitis eliminandus.

§. XII

Sequitur *Limax rufus* m), qui colore subrufo, habitatione in terra continente, corpore oblongo repente, supra clypeo carnosio, subtus disco longitudinali plano, foraminae pro genitalibus & excrementis ad latus dextrum posito, tentaculis quatuor supra os affixis discerni facile a reliquis suae classis potest; jam olim, potissimum tamen extrinsecus adhibitus n). Commendatus fuit immerito cinis, ab alio animali cinere vix diversus, in fissuris ac scabritie cutis, & in ipsa synovia o); praedicata est destillata ab eo aqua, quae tamen pituitae, qua sola prodesse limax valet, continere in se nihil potest p), ad fucandam faciem, corroborandum hepar, sanandam adeo atrophiam q) laudatus liquor, in quem concisi, & pari salis communis copia conditi diffuxerant, ad dolentes arthritide partes oblinendas, verrucas scalpello jam abrasas averruncandas, prolapsum anum resti-

B 2

tuen-

m) LINNAEI l. c. p. 1081.

n) SCHROEDER l. c. p. 822. 823.

o) Idem p. 822.

p) The new Dispensatory. Ild. Edit. London. 1765. 8. p. 170.

q) SCHROEDER l. c. p. 822.

tuendum r): Pinguedo, quae aquae cum iis coctae & refrigeratae supernatat, fronti cum ovi albumine ad sedandos oculorum dolores, tollendam eorum rubedinem, intercipiendos eorum fluxus, inposita; posteriori fine adhibitus quoque fuit mucus, quem compuncta animalia reddunt s): Qui, quot insint linacibus integris ex opinione veterum virtutes, scire cupit, adeat SCHROEDERUM t) ipsum.

§. XIII.

Omnes tamen, quae revera insunt his vermibus, vires medicatas, in pituita illa tenaci residere, tam certum est, quam quod certissimum; ex hoc fonte ergo deduci debent omnes, qui inde expectantur, effectus, iis satis similes, quos a gelatinarum animalium usu polliceri nobis possumus: Ita lac cum eis coctum tabescentibus commendarunt alii u); juscula ex iis parata, quibus, si acidum in ventriculo adsit, sal quoddam lixivum adjici posset, alii x)); juscula autem parari eum in modum possunt: Coquuntur linaces cum aqua, quae coquendo efficaces partes ex radice rumicis acuti extrahit, & nunc vel libra circiter boni jusculi ex carnibus addito pugillo rumicis acetosae & scandicis cerefolii confecti, vel postquam refrixit illa aqua, albumen & vitellus trium recentissimorum ovorum, unciae sex

ad

r) Idem l. c. p. 823.

s) Idem l. c. p. 822.

t) l. m. c.

u) New Dispensatory p. 170.

x) Ill. KAEMPFF l. c. p. 311. Quarin animadversiones practicae in diversos morbos, Viennae Austr. 1786. 8. haemoptoicis commendat.

ad octo aquae cujusdam per fermentationem paratae, & sesquiuncia circiter aquae menthae spirituosae admiscentur: Hoc jusculum per quatuor vel sex septimanas jejuno aegroti singulis mane exhibetur.

§. XIV.

Egregie etiam conducit forma gelatinae, in quam limaces sequenti modo redigi queunt: Recentes conscinduntur in pulvem, & pauca adfusa aqua coquuntur, donec aequabiliter per aquam diffusi sint; haec gelatina in restaurandis viribus & succis, in obvolvenda acrimonia perquam efficax, aut qualis nunc est, aut sero lactis diluta adhiberi, aut in tabulas siccas inspissari potest, quae nunc facilius asservari & ab alio in alium locum mitti queunt y).

§. XV.

An alia sit limacis species forsitan agrestis, cujus pituitae discutientem vim tribuit Celeberr. TODE z), ego quidem decidere nolim.

§. XVI.

Excipit limacem maris incola, sepia ab ejus in officinis usu officinalis dicta a), corpore carnosio, cujus pectus vaginae includitur & ad basin tubo instructum est, ore corneo terminali inter octo cotyledonibus in interiore latere adspersa brachia intermedio ab aliis ver-

B 3

mium

y) Ill. KAEMPF I. c. p. 371.

z) Medicinisch-chirurgische Bibliothec V. I. p. 206.

a) LINNAEI I. c. p. 1095.

mum generibus, tentaculis duobus longioribus pedunculo proprio insidentibus ab octopodia, quae cibo inservit, cauda nulla a Loligine facile distinguenda.

§. XVII.

Fuere omnino b), qui & ova hujus vermis, tanquam medicamentum renes atque ureteres abstergens, menses urinamque ciens, & succum illum atrum proprio receptaculo conclusum tanquam alvum movens intus adhibuerunt: Inprimis autem inde a Dioscoridis temporibus usu medico inclaruit sub nomine Os sepiae, materia quaedam durior & siccior scuti oblongi utrinque angustioris ad instar dorsum animalis obtegens; est illa albissima e squamis compacta, intus materia laxa similiter alba farcta, & si levem salsum ab aqua marina conciliatum saporem exceperis, parum sapida, acidisque penitus solvitur, ut jam ex eo conjicere possis, non esse, nisi, materiam calcaream, pauculo sali marino & glutini animali, quod dum destillatur, pauxillum spiritus urinosi & olei empyreumatici praebet, junctam.

§. XVIII.

Quae si animo tecum volvas, non miraberis modo tot tantisque laudibus sublatum, inter abstergentia, diuretica, calculos pellenia, strumaria, antasthmatica, ophthalmica c) fuisse relatum, sed ad nostra usque tempora d) vim adstringentem in gonorrhoea et fluore albo praeser-

b) SCHROEDER l. c. p. 877.

c) SCHROEDER l. c. p. 876.

d) HERMANN & BOECLER l. c. p. 17. & 18. VOGEL l. c. p. 358.

CRANTZ l. c. p. 87.

praesertim efficacem ipsi esse adscriptam, quam tamen alii e) jam dudum negaverunt.

§. XIX.

Posse tamen cujuscunque alterius terrae calcareae in modum acidum in ventriculo dominans absorbere, & morbos ex eo fonte propullulantes tollere, quis est, qui neget! neque tamen eum in finem, quemadmodum HERMANNUS f) suadet, vitrioli spiritu, quo in gypsi speciem convertitur, humectari debet: Posse porro igne usum hoc os, prouti aliam calcem vivam, abstergentem vim exserere, posse denique, minori omnino cum detrimento, quam quidem pumex, si modo interior ejus spongiosa pars eum in finem adhibeatur, dentibus mundandis inservire, sponte sua patet; plures ideo etiamnum ingreditur pulveres dentifricios. g)

§. XX.

Testacea sive vermes testacei sua potissimum testa apud medicos fuere usitata; alia calculis in ipsorum corpore generatis; pauciora sua carne; posterioribus accenseri praecipue possunt eae species, quae, quoniam in aliis atque aliis terrae regionibus nunc plebi, nunc aliis

e) LOESEKE *Materia medica*, fünfte Auflage. Berlin und Stettin 8. 1785. p. 465. & SPIELMANN l. c. p. 401.

f) l. c. p. 17.

g) e. g. *Pharmacop. Wirtemberg. P. II. p. 138. Pharmacop. Suecia. Lipsf. & Alton. 1776. 8. p. 87.*

aliis etiam in cibum cedunt, pleraeque edulis cognomine a LINNAEO insignitae fuerunt; ita Helix Pomatia h) in terra, Cardium edule i), Ostrea edulis k) Mytilus edulis l) & aliae in mari habitantes: posterius tamen nominata species aliquando, e. g. ad littora Flandriae a Majo ad Septembrem usque, a devorata frequentissime Asteria ophiuro m) atrocissima symptomata n) ipsamque mortem o) excitasse refertur.

§. XXI.

Non hujus est loci, fusius enarrare, quatenam memoratarum specierum varietates sapidissimae sint, & quibus culinae artificiis acui & gratior adhuc reddi sapor iste possit; id solum monere liceat, ipso suo sapore efficaciam qualemcunque indigitari: Commendatae certe fuerunt

h) LINNAEI systema naturae I, c. p. 1244. n. 677.

i) Ibidem p. 1124. n. 90.

k) Ibid. p. 1148. n. 211.

l) Ibid. p. 1157. n. 253.

m) du RONDEAU Memoir. de l'Academie imperiale de Bruxelles, Vol. II. p. 314 - 322. BEUNIE ibid. Vol. I. p. 242.

n) J. Chn. BAUZMANN Ephem. Ac. Natur. Curiosor. Leopold. Dec. II. A. VIII. Obs. 48. MENZEL ibid. Obs. 197. BENNET Healths improvement or the nature, method and manner of preparing all sorts of food used in this nation. London 1653. 4. MEIBOM apud Ill. Praecept. pie colend. BLUMENBACH medicinische Bibliothek Vol. I. Fascic. 2. p. 377. MEYER ap. Ill. BALDINGERUM neues Magazin für Aerzte Vol. IV. Fasc. VI. p. 489, 490.

o) P. AMMANN Irenicon Numae Pompilii cum Hippocrate. Lips. 1689.

fuerunt osfreae a medicis aegrotis, scorbuto & podagra laborantibus p); commendatae nuperius ab Ill. KAEMPFIO q), qui per plures continuas septimanas singulis mane triginta ad quinquaginta earum deglutiri suadet, tanquam gratissimum multis limacum succedaneum, exhaustis; concessae phthificis ab Ill. QUARIN. q*). Animal Helici Pomatiae inhabitans, uti similem cum limace (§. 12-14.) structuram prae se fert, ita similem quoque edere efficaciam, valde probabile est; quare quamvis equidem is non sim, qui in veterum jurare verba, & ridicula illa de virtute cochlearum, extrinsecus quoque adplicatarum somnia r) tanquam veracia subscribere velim, ipsam adeo a BOECLERO s) adhuc atrophicis apprimè commendatam aquam destillatam quacunque alia pura aqua efficaciorē non habeam, viscore tamen suo in aquam aut vinum transeunte acrimoniae involvendae & restaurando tabidis nutrimento idoneam esse, tussim, ab acrimonia proveniente, suadente jam PLINIO t) sedare, phthiseos, in qua jam SERENUS SAMMONI-
CUS

p) CRANZ materia medica & chirurgica. Vienn. Austr. 8. T. I. 1762. p. 78.

q) l. c. p. 371.

q*) l. c.

r) Quae collecta legere est apud BOECLERUM l. c. Continuat. secund. p. 589-592.

s) l. c. p. 588.

t) Historiae mundi Libr. XXX. Cap. VI. Edit. GALENI fol. 1582. p. 548. 549.

cus u) praedicavit, certae speciei & periodo mederi, aliis etiam tabidis profuturam esse ejus carnem, facile concedam.

§. XXII.

Optime vero exhibentur cochleae aut forma jusculorum, v. g. ita, ut octo vel decem ex testa sua exemptae leviter mundatae cum aquae libra coquantur, aut forma gelatinae, quae parari e. g. auctore LÖESEKE x) sequenti ratione potest: Coquuntur centum cochleae, sex vitulorum pedes, quindecim cancri conquassati, binae unciae scobis cornu cervi rasae, tres manipuli medullae cycadis (Sagu) in vino prius coctae, manipulus radiceis filari, eadem singularum sequentium tragopogonis pratensis, scorzonerae hispanicae, apii feleri, & herbarum apii petroselinii, scandicis cerefolii & rumicis acetosae portio, quatuor denique poma citrea, singula concisa & contusa in vase tecto cum aqua, donec in pulvem abeant; jusculum quiescenti pulvi supernatans defunditur & ulterius, donec gelatinae crassitiem adipiscatur, coquitur; addi tunc pro re nata potest aut syrupus rubi idaei, aut vinum aliquod dulce: Qui plures ejusmodi praescriptiones legere cupit, evolvat BOECLERUM y).

§. XXIII.

Alii autem vermes testacei suis potius calculis apud medicos fuere quondam celebres, qui in multis, etiam univalvibus z), praesertim

u) De medicina praecepta saluberrima Cap. XIX. Edit. Celeb. ACKERMANNI. Lips. 1786. 8. p. 65. n. 346.

x) l. c. p. 370.

y) l. c. Contin. II da p. 588. 589.

z) WALLERIUS Mineralogie übersezt von DENSO. Berl. 8. 1750. p. 518.

tum dum testa perforatur aut alio quocunque modo laeditur, ex animalis ipsius damna refarturi, & ingressurum inimicum averfuri corpore pronascuntur a): In binis tamen concharum speciebus *Mya margaritifera* b) & *Mytilo margaritifero* c) geniti, prae reliquis tum etiam nunc a gemmaris, tum olim a medicis d) aestimati sunt, margaritarum, perlarum, unionum nomine venientes, quae pro genio seculi, quemadmodum propter externas suas dotes magno in pretio, ac princeps pars splendidioris luxus habebantur & adhuc habentur, ita & singulari & quam maxime salutare in corpus humanum efficacia polere credebantur: Unum, ex quibus reliquorum ejus aevi opinio elucescit, sufficiat exempli loco audisse, SCHROEDERUM e): „Cordiale praebent nobilissimum (sunt ipsissima ejus verba) quo balsamus vitae oppressus, viresque exoletae insigniter recreantur ac confortantur, proinde venenis, pesti & putredini resistunt, animum exhilarant. Et hujus rei gratia in tantum ascenderunt honorem, ut vel agonisantium extrema recreatio inde expetatur.,

§. XXIV.

a) Qui plura de hoc ortu scire cupit, adeat REAUMUR *Memoir. de l'Acad. royale des sciences à Paris ann. 1717.* MEYERUM *Abhandlungen einer Privatgesellschaft in Böhmen. 8. Vol. IV.* CHEMNICIUM *Beschäftigungen der Berlinischen Gesellschaft Naturforschender Freunde Vol. II.* & SCHRANKIUM *Naturforscher, St. XVIII. p. 71. 72.*

b) LINNAEI *l. c. p. 1112. n. 29.*

c) *ibidem p. 1155. n. 246.*

d) v. praeter alios GRÜBELII *praef. JACOBI diss. de margaritis. Erf. 4. 1708.*

e) *l. c. p. 334.*

C 2

§. XXIV.

Actum jam agerem, si post solidas TRALLESII f) ratiocinationes prolixè ostendere vellem, quam vana sit illa spes in calculo ipso posita; praeter paucissimum enim gluten animale, quale etiam in aliis duris animantium partibus occurrit, non continet, nisi terram calcaream, & prae aliis ideo id genus medicamentis terreis nihil prae-rogativae habet pretiosissima merx, superfluum plane pulverum illorum terreorum in officinis venalium ingrediens. Evanescent igitur exaggeratae illae jam ab Arabibus medicis perlarum laudes, & nihil superest, nisi terra calcarea, pura creta & testis ovorum vi certe non superior, & harum ad instar acidum in primis viis dominans absorbens, morbosque ex eo fonte promanantes sanans, & si igne uratur, non nisi calx viva, ei similima, quae ex lapide calcareo coquitur, ut pulvis certe ab HERMANNO g) commendatus, si quid unquam in febre quartana praestitit, reliquis ingredientibus plus debeat, quam quidem huic calci.

§. XXV.

Et ne sexcenta quidem illa artificia, quibus suas margaritas exagitarunt veteres, ad augendum eorum efficaciam, aut ad generandam virtutem, quae non facilius & viliori pretio obtineri sine illis potuit, fecere aliquid; simplicissimum est artificium, quo nativae earum

f) Examen rigerosius virium, quae terreis medicamentis tribuuntur
Vratisl. & Lips. 1740, 4.

g) l. c. p. 31. 2.

earum vires conservantur, & ut facilius exerceant, efficitur, ut mundatae cum aqua, si vis, destillata quadam atque odorata super lapidem porphyrium in tenuissimum & aequabilissimum pulverem conterantur, & trochiscorum in modum siccentur; vocatur id praeparatio: Reliqua omnia, in quibus multus est SCHROEDERUS h), inutilia sunt,

§. XXVI.

Absonum plane est, in aqua, quae destillatione a perlis abstrahitur, perlarum aliquid quaerere, quarum quippe partes eo caloris gradu in vapores elevari non possunt, ut jam BOECLERUS i) omnem aquae perlarum vim ab addita cinnamomi aqua iustissime deduxerit; & ipsum saccharum a perlis denominatum suavitatem suam, & omne, quo a saccharo simplici distat, discrimen, aquae rosarum acceptum referre, nullum amplius est dubium: Neque certe aut essentia, sive tinctura, sive arcanum perlarum, aut flores perlarum, aut spiritus perlarum k) aliquid perlarum in se continent; prior enim plerumque non est nisi acetum aut salis communis spiritus dulcificatus, & posterior non nisi acetum.

§. XXVII.

Neque aucta est, si quae sit, perlarum vis in magisterio si-
ve perlis aceto solutis, & instillato tartari per deliquium nato oleo
C 3 iterum

h) l. c. p. 334-337.

i) l. c. p. 33. a.

k) SCHROEDER l. c. p. 336. 337.

iterum praecipitatis; & deleta omnis, quae scilicet sola absorbente nititur, in magisterio plumaceo, & magisterio butyraceo, quae non sunt, nisi species gypsi, in sale perlarum, sive aceto, vel berberum, vel limonum succo perlis saturato, in oleo ex spontaneo hujus salis deliquio nato, & in sale sive magisterio ad modum RIVERII confecto, quod praeter succum citri vel aurantiorum acetum quoque ingreditur: Quamvis enim posteriora haec salia terrena facilius solvantur in succis corporis humani inquilinis, tantum tamen abest, ut, quod veteres quidem ab eorum in morbis usu exspectarunt, putredinem arceant, ut potius, si saturatum certe sit acidum, augeant.

§. XXVIII.

Quae de perlis dicta sunt, de matre perlarum similiter valent; venit nempe eo nomine interior testae, in qua perlae inveniuntur, lamina splendida, licet & aliarum concharum e. g. ostreae Ehippii LINNAEI l) simili splendore & colore conspicuae interiores testae m) & a pharmacopolis & ab aliis artificibus eo nomine adhibeantur.

§. XXIX.

Sed viliorum etiam testaceorum minus spectabiles testae cochlearum & concharum nomine fuerunt adhibitae; illarum praesertim testae

l) l. c. p. 1149. n. 215.

m) Pharmac. Wirtemb. P. I. p. 18.

flae helices pomatiae n), harum nunc myae pictorum o) testae p), nunc aliarum atque aliarum donacis q) & veneris r) specierum, nunc & ut plurimum ostreae edulis s) testae t) ostracodermaton quoque titulo medicorum libris insertae, quamvis testae cujuscunque sub eodem ordine militantis verinis sive mare sive aquas mediterraneas inhabitet, eodem cum effectu adhiberi queant u).

§. XXX.

Omnes scilicet illae testae in eo conveniunt, quod, si pauxillum glutinis animalis demseris, illis innidulans, meraca consistant terra calcarea, hinc omnino chemica indole & medicata vi margaritis quidem haud inferiores, sed nec creta, ne dicam, magnesia alba, superiores. Elucescit inde, quod Ill. TRALLESIIUS x) pluribus jam factis superque demonstravit, quam fallacia sint veterum de virtute harum testarum diaphoretica y), diuretica, febrifuga z), atque adeo alexipharmaca, praeconia.

§. XXXI.

- n) SCHROEDER l. c. p. 822. VOGEL l. c. p. 361. 362.
- o) LINNAEI l. c. p. 1112. n. 28.
- p) SPIELMANN l. c. p. 598.
- q) LINNAEI l. c. p. 1126 - 1128.
- r) LINNAEI l. c. p. 1128 - 1139.
- s) LINNAEI l. c. p. 1148. n. 211.
- t) SPIELMANN l. c. p. 180. LOESEKE l. c. p. 198. HAGEN l. c. p. 37.
- u) LOESEKE l. m. c.
- x) l. c.
- y) SCHROEDER l. c. p. 71. VOGEL l. c. p. 355.
- z) Pharmacop. Wirtemb. II. p. 36.

§. XXXI.

Optimus eas praeparandi modus est ille, qui simpliciter audit praeparatio; contunduntur scilicet bene lotae testae in mortario lapideo, conteruntur additis subinde paucis aquae guttis super lapidem porphyrium in pollinem impalpabilem, & exsiccantur primo in gypso, post in loco calido, saltem sicco: Si tamen duriores sint, quales v. g. ostrearum testae, postquam sollicitè mundatae, & per aliquot dies solis aestui expositae fuerunt, addita paucula aqua in mortario in speciem pastae contunduntur, ad solem siccantur, & tunc in pulverem tenuissimum teruntur.

§. XXXII.

Praestat certe haec simplicior via illa, qua conchis, quae praeparari debent, acidum quodcunque adfunditur: perit enim sic omnis qua pollent virtus; videlicet facultas acidum, quod in primis viis offendunt, absorbendi, dum acido jam satiatae in ventriculum deveniunt: Ita aceto forti infuso prius macerandas esse jubet Pharmacopoea Wirtembergica a), & haec b) & alii c) acido citri succo, qui cum in salem difficulter aqua solubilem d) abeunt, saturari, & sic conchas citratas parari imperant.

§. XXXIII.

a) P. II. p. 36.

b) p. II. p. 35.

c) v. g. vid. LOESERE l. c. p. 198.

d) HAGEN l. c. p. 678. 679.

§. XXXIII.

Multum tamen differt virtus harum concharum, si igne usae fuerint, ab ea, qua aut crudae, aut acido imbutae pollent; ea enim est illarum cum lapide calcareo aut creta communis indoles, ut ignis vi in calcem vivam abeant, & ideo in regionibus maritimis, quibus insignis earum copia suppetit, lapidum autem calcareorum sufficiens copia non raro deest, calx in usum vitae communis & aedificiorum potissimum necessaria ex his coquatur: Conchae igitur calcinatae viribus etiam, quas in humanum corpus edunt, cum calce viva potius conveniunt, cujus efficacitatem salutarem, ut heic loci perstringam, neque finis, neque angusti dissertationis limites permittunt.

§. XXXIV.

Sunt tamen inter medicos non pauci, qui & calcem ipsam ex testaceis his coctam, & aquam calcis ex ea, praecipue ostrearum calce e) paratam alii praeferunt: Remedium illud a CROLLIO superbo specifici febrilis titulo immerito condecoratum, non est, nisi calx ex conchis usta f); & quam in hydrophobia tantopere praedicavit le COMTE g) medicina, non nisi vinum per aliquod temporis spatium ostrearum calci superinfusum.

§. XXXV.

Cum conchis his indole & virtute conveniunt nonnullae dentalii, in oceano europaeo obviae, species, apud veteres in medicamentorum

e) J. G. KRUGER experimenta nonnulla cum aqua ostracodermatum instituta. Helmst. 1754. 4.

f) VOGEL l. c. p. 355.

g) Histoire de l'Academ. royal. de sciences a Paris. pour l'année 1749. n. 4.

mentorum censum delatae h) ; altera LINNAEO i) elephantinum, alias dentalium (κατ' ἐξοχὴν) sive syringites dicta, altera apud LINNAEUM k) Entalis triviali, alias dentalii l), entalii, antalii nomine veniens ; prioris tamen in locum saepius substituta fuisse, viribus certe non inferior cypreae species, caput serpentis a LINNAEO m) cognominata, legitur n).

§. XXXVI.

Cum his porro congruunt opercula nonnullorum testaceorum univalvium, Muricis ramosi o), blattae byzantinae p) vel bizanziae q) vel bisantiae r) sive unguis odorati nomine olim inclytum, & suffitu suo hystericis, interno usu tanquam alvum laxans, lienem molliens, humores vitiosos corrigens, commendatum ; porro operculum Turbinis cochli s), umbilici, umbilici marini, umbilici veneris, belliculi marini, bellirici marini, fabae marinae, lapidis Margaretae, oculi Luciae, oculi marini nominibus magis notum t), quod umbilico humano impositum sudorem ciere, sibi persuasere Veteres : Huc denique

- h) SCHROEDER l. c. p. 871. 872. HERMANN & BOECLER l. c. p. 37. 38. Pharmacopoea Wirtemb. P. I. p. 18.
- i) l. c. p. 1263. n. 783.
- k) l. m. c. n. 786.
- l) apud VOGELIUM l. c. p. 365.
- m) l. c. p. 1175. n. 339.
- n) BOECLER l. c. p. 28. a. & Pharmac. Wirtemb. l. m. c.
- o) LINNAEI l. c. p. 1215. n. 523.
- p) HERMANN l. c. p. 13. a. Pharmacop. Wirtemb. P. I. p. 18.
- q) SCHROEDER l. c. p. 868.
- r) BOECLER l. c. p. 13. a.
- s) LINNAEI l. c. p. 1233. n. 613.
- t) SCHROEDER l. c. p. 911. 912. HERMANN & BOECLER l. c. p. 37. 39. a. Pharmac. Wirtemb. l. p. 19.

que spectant cochlearum sive helices pomatiae opercula, quibus virtutem diureticam, hydropicis praesertim proficuum, tribuerunt Veteres u).

§. XXXVII.

Magis adhuc, quam concharum testis, delectarunt veteres medici coralliis, a quibus quum multo meliora sperarent, inexhaustum fuit in parandis exinde medicinis luxurians eorum ingenium: Non quidem magni fecerunt Corallium nigrum x), Gorgonia Antipathes LINNAEO y) dictum, neque multo carius aestimarunt corallium album, quo nomine eorum plurimi madreporam oculatam LINNAEI z) indigitarunt; tanto majore in pretio apud eos erat, tametsi viribus non superius, corallium rubrum, sive uti quidem LINNAEO a) appellare illud placuit, Isis nobilis, mari mediterraneo & rubro inquilina; vividus certe jam rubor pro genio seculi medicos induxit, ut „refrigerare eos (sunt verba SCHROEDERI b), deinde ventriculum & jecur roborare, sanguinem purificare, ac proinde pesti, venenis, febribusque malignis adversari, hominem hilarem efficere, sistere fluxus quoscunque alvi, uteri, penis, gonorrhoeam, epilepsiam infantum praecavere, extrinsecus applicatum ulcera carne explere, cicatrices attenuare, oculorum lacrymas sistere, visumque recreare in collyriis” somniarent, teste BOECLERO c) virtutes cordiales & cephalicas tribuerent, & externe

D 2

etiam

u) Pharmac. Wirtemb. P.I. p. 131.

x) Homines potius melancholicos reddere perhibebatur SCHROEDER l. c. p. 325.

y) l. c. p. 1291. n. 9.

z) l. c. p. 1281. n. 36.

a) l. c. p. 1288. n. 6.

b) l. c. p. 325.

c) l. c. p. 132. a.

etiam, vel gestatum solum in collo & brachiis contra incantationes, fascinationes atque terriculamenta commendare non erubescerent.

§. XXXVIII.

Sed quam inanes sunt istae laudationes ad lucem sanae rationis, fidae observationis & experimenti chemici examinatae! Rectissime enim monuit SPIELMANNUS d), nullam proflare fidam observationem, quod prae aliis substantiis animalibus terrestribus aliquid proprii habeant; docet scrutinium chemicum, praeter exiguum glutinis animalis partem non esse, nisi terram calcaream, cum acidis effervescentem, in iis solubilem, ignis vi in calcem abeuntem, & ferri, ad quod, ut praerogativae aliquid & vires adstringentes huic rubro corallio tribuere possent, tandem confugerunt veterum principiorum tenaciores e), aut nihil, aut tam parum inesse, ut calx, quam Gotlandi, nec non rubri ac mediterranei maris accolae ex eo coquant, neque colore neque alia dote ferrum prodat, a ferro itaque virium, quas reapse possidet, deduci nihil posse.

§. XXXIX.

Qui tamen corallia ex pharmacopoliis exulare nolunt, acquiescant, quaeso, cum BOECLERO f), VOGELIO g), SPIELMANNO h) in facultate eorum, acidum primas vias occupans imbibendi, & morbis inde profecturis medendi, quae si vera atque unica eorum sit salutaris

d) l. c. p. 361.

e) v. g. GEOFFROY *Memoir. de l'Acad. royal. des sciences. a Paris* p. 1708. LOESEKE l. c. p. 202. CRANTZIUS l. c. II. p. 86.

f) l. c. p. 132. a.

g) l. c. p. 338.

h) l. c. p. 361.

taris efficacia, optimus, ea huic usui magis accommodandi modus ille profecto est, quem (§. XXXI.) tanquam simplicissimum & praestantissimum in medicinis ejusmodi terrestribus praeparandis commendavi; supervacaneum coralliorum magisterium, & omni corallinorum nativa virtute priva illa, in quibus aliud aliudve acidum, sive sit vitrioli sive nitri, sive falis communis, sive aceti, sive citri, sive berberis, sive per siccam destillationem ex ligno guajaco aut melle extortum coralliis nupfit; memoratu ergo vix digna sunt pulvis coralliorum vitriolatus i), magisterium butyraceum & plumaceum k), nec non corallia cum sulphure calcinata l), in quibus omnibus terrarum calcarea cum vitrioli vel sulphuris acido in gypsi speciem coicit, sal coralliorum quocunque acido, sive minerali, sive vegetabili, sive nativo, sive per fermentationem aut ignem extricato natum m), & oleum sive liquor n) ex spontaneo hujus deliquio progenitus, tincturae, quae solis absolvuntur acidis, & corallia, quae ignita in aceto exstinguuntur o).

§. XL.

Potentius vero agunt alia; efficaciora sunt corallia in igne usta; quo in calcem abeunt, ast nequaquam efficaciorum illa, quae aut ex conchis aut ex lapide calcareo coquitur; Salutaris est, & gratum in morbis acutis, putridis, malignis reficiens, refrigerans, antisepticum

D 3

syrupus

i) SCHROEDER l. c. p. 327.

k) idem l. c. p. 328. 329.

l) idem l. c. p. 326.

m) idem l. c. p. 327. 328.

n) idem l. c. p. 329.

o) idem, l. c. p. 326.

Syrupus coralliorum pharmacopoeae Wirtembergicae p), quo magis compositum neque tamen potius ingeniosus in ejusmodi sesquipedalibus formulis excogitavit MAYERNE q); cave tamen credas, virtutis qua gaudet, aliquid tribuendum esse coralliis; persuasissimum potius tibi habeas, omnem & vim & tinctum omnis quamvis coralliis syrupo manere, neque eapropter ab his derivari posse.

§. XLI.

Multam inprimis navarunt operam veteres, ut colorem illum amoene rubrum, in cujus principio principem illam vim delitescere infeliciter sibi persuadebant, extraherent; multa ideo jactata arcana artificia, numerosae in multis medicamentorum arte factorum catalogis coralliorum tincturae r), quae tamen omnes, si qua pollent, efficacitatem suam, quantum quidem hactenus notae sunt, nequaquam coralliis, sed potius reliquis ejus coloris extrahendi gratia additis praefertim liquoribus debent; ne dicam non paucas exstare, quae ne colorem quidem suum a coralliis deducunt. Colorem illum in parte potius membranosa, quam in ossea, residere, & calore aquae bullientis aestu majore destrui, egregie ostendit DEYEUX s).

§. XLII.

Pilas five sphaeras marinas, quas Pharmacopoea Wirtembergica t) tostas in pulverem ad strumas cum saccharo recipi imperat, speciem

p) P. II. p. 191.

q) v. apud SCHROEDERUM l. c. p. 333.

r) v. praeter alios SCHROEDERUM l. c. p. 329 - 332.

s) ROZIER Journal de physique. 4. T. III. 1774. Apr. p. 274 - 276.

t) P. I. p. 17. 18, P. II. p. 147.

speciem alcyonii esse, mihi haud improbabile videtur; forsan, si quidem eadem semper fuerit species, Alcyonium Bursa u) aut Cydonium x).

§. XLIII.

Superfunt bina adhuc corpora, quae tametsi, an huic regno & classi tribuenda sint, a nonnullis dubitatur, analysi tamen chemica, quae magnam alcali volatilis vim largitur y), huic potius, quam cuicunque alteri adscribit z); spongiam a) volo & corallinam b), utramque a LINNAEO triviali officinalis nomine ornata.

§. XLIV.

Nimis longus essem, si omnem spongiae usum, eum etiam, qui a mechanica ejus potius fabrica, quam a quacunque alia dote pendet, chirurgicum scilicet enarrarem, DIOSCORIDI c) & GALENO d) jam notissimum; eorum quoque aevo jam in usu fuit spongia in carbonem potius, quam in cinerem exusta, & posterior acrem esse & digerere memorat: Primus tamen fuisse videtur ARNOLDUS de VILLA NOVA, qui spongiam ustam ad strumas discutiendas facere expertus est,

u) l. c. p. 1295. n. 8.

x) l. m. c. n. 9.

y) New dispensatory. p. 231.

z) MODEL Verhandelingen der Haarlemsch Maatschappye der Weetenschappen 8. P. XIV. p. 97.

a) LINNAEI l. c. p. 1298. n. 8.

b) ibidem. p. 1304. n. 2.

c) Τ'λης ιατρικης. Lib. IV. C. LXXXV.

d) De simplicium medicamentorum facultatibus LXI. GERARD GAUDANO interprete ab AUG. RICIO emend. Paris. 1547. 12. p. 351.

est, quam ejus vim alii quoque e) observarunt, & a magna falis volatilis copia, nisi in cinerem convertatur, partim adhuc superflite, atque oleo empyreumatico deduxerunt.

§. XLV.

Quo minus ergo fal ille volatilis avolet, vase clauso uri debet spongia, atque ut primum nigrescit & tota quanta conterì inter digitos potest, eximi, in mortario vitreo aut lapideo in pulverem tenuissimum contundi f), & singulis mane & vespere, donec auxilium notabile attulerit, bini ejus scrupuli g) ad drachmam integram h) vel sicci & meraci, vel cum aqua subacti, vel aliis etiam misti, quemadmodum alii atque alii pulveres strumales i) docent, vel cum saccharo in morsulos redacti exhiberi possunt; optime partes ejus sex cum quatuor elaeosacchari anisi commiscentur, & hujus pulveris bis per diem 30. 50 grana praebentur k).

§. XLVI.

Quae spongiis nonnunquam inhaerent glebulae lapideae, lapides spongiarum dicti, non sunt, nisi lapides calcarei, tophi ad instar a marina aqua in foveas spongiae depositi; quae quum sit illarum indoles, ultro patet, non diffringendis modo in vesica urinaria obviis sed & renalibus, quibus mederi asseveraverat GALENUS l), esse impares.

§. XLVII.

e) SPIELMANNUS l. c. p. 568. New dispensatory p. 259. De HAEN ratio medendi Vindob. 8. P. II. 1757. p. 187. 188.

f) Pharmacop. Edinburg. addit. adj. BALDINGER. Ed. alt. Brem. 1784. 8. p. 40. 41.

g) SPIELMANN l. c.

h) DE HAEN l. c.

i) Pharmacop. Wirtemberg. II. p. 147.

k) QUARIN animadversiones practicae in diversos morbos. Vienn. 1786. 8.

l) l. c. LIX. p. 283.

§. XLVII.

Fragilis illa, prouti quidem in officinis venit, & alba coralina, levem habet ab adhaerente aqua marina; saporem salsum, caeterum insipida, & aliarum partium animalium similium in modum ex terra calcarea & filis gelatinosis conflata m) a longo retro tempore anthelminticis fuit adnumerata, eumque in finem a scrupulo ad drachmam vel sola, vel in aqua vel lacte exhibita; si pulveris forma praeberetur, non nimium teri suadebat C. GESNERUS n); alii miscbant aliis, ita AMATUS LUSITANUS o) partes ejus duas cum aequali copia seminis fantonicae, cum una parte dictamni albi, una parte bistortae, una parte tormentillae miscuit; singula in pulverem contrita irroravit aceto acerrimo, in umbra siccavit, & drachmam unam ad drachmas tres exhibuit.

§. XLVIII.

Qui tamen analysin chemicam, externarum dotium, ex quibus tale quid conjicere fas est, defectum, & ipsas observationes, quibus ejus fides nititur, perpendit, is sane cum SPIELMANNO p) de vermifuga ejus vi dubitare, & aliis marinis (§. XXXVIII) aequiparare incipiet.

m) MODEL l. c.

n) Epistola medic. p. 91.

o) Curation. medic. Cent. III. Cur. 117. p. 354.

p) l. c. p. 599.

Errata.

P. 2. l. 17. loco Engeweidewürmer l. Eingeweidewürmer.

P. 3. l. 3. loc. contigit l. contingit.

— l. 22. loc. Antipathas l. Antipathes.

P. 4. l. 1. loc. considerandus l. considerandus.

P. 7. l. 6. loc. medicae l. medico.

— l. 17. loc. discrepat l. discrepet.

Theses.

- I. *Turba medicorum rudiorum longe plures necat, quam eruditi sanant aegrotos.*
 - II. *Praecipuus pulmonum usus is esse videtur, ut noxium quemdam humorem ex sanguinis massa excernant.*
 - III. *Acida vegetabilia nocent in febris inflammatoriae indolis.*
 - IV. *Statura erecta homini naturalis est.*
 - V. *Variolas naturales Variolis artificialibus non praeferendas puto.*
 - VI. *Præparatio infantis sani ad insitionem variolarum superflua non est.*
 - VII. *Omnia salia alcalia fixa a plantis quibusvis desunta iisdem viribus gaudent.*
 - VIII. *Idem valet de salibus alcalinis volatilibus, quae originem e regno animali trahunt. Hinc sequitur, unum sal alcali fixum in praxi medica alteri substitui posse, Et eodem modo adhiberi posse salia alcalia volatilia.*
-